



醫學津梁序

有明金壇王肯堂先生為醫界泰斗三百年來承學之士奉六科準繩為寶山玉海而其提要鉤元簡明切當尤莫善于所著醫鏡一書書凡三卷明末蔣儀用刻之吳門至清康熙間歸安儒醫岳泗孫先生為之刪補加以圈識歸安志藝文目載其書而外間未見刻本岳先生著述別有經野堂詩刪六卷屬樊榭為之序稱其精長桑君之術詩刪刻本今已僅見余于光緒庚子辛丑間自江右黃氏得先生刪補稿本字畫端楷珍若拱璧原書分門別類先生復以淺顯之筆刪訂而補正之其有益於醫界殆非淺鮮夫豈僅王氏之功臣哉丙辰春間曾囑蓋平李氏鈔付石印已而因亂中止今年春孟檢原稿重加校訂分為六卷以醫書中復有江筆花醫鏡行世王氏此書岳先生刪補於前鄙人又校訂分卷於後已非將刻之舊而與岳先生刪補之卷數亦有殊焉因妄易書名為醫學津梁俾問津醫界者知所率循而不致與江氏醫鏡之書名相混則王岳兩先生津逮後學之盛心庶幾其無負焉斯蓋軒岐以降醫界諸賢精神所貫注而學術之英華亦於是櫛以萃也洙也不學於二先生未有涓埃之功而

有妄易書名之咎良用愧歉岳先生經野堂詩刪亦藏有刻本而缺其半異日  
獲有全書若得同志為之刊布亦藝林之盛舉也是為序

民國八年夏四月江浦陳珠泉自識於滬厲之海桑仙館

醫學津梁目錄

卷一

中風

附癰症

癘風

麻木

厥

三消

癰疹

諸血

諸虛

卷二

癆瘵

附夢與鬼交

盜汗自汗

骨蒸潮熱

咳嗽

附哮喘

痰

附飲

喉痺

附失音

骨鯁

噎膈

附

梅核氣

嘔吐

附

翻胃

吞酸吐酸

霍亂

卷三

瘧疾

火

發熱辨

內外傷

附

諸內傷

瘕症

脫陽

中暑

附

瘕夏

中濕

附

痿症

黃疸

附

黃腫

脾胃

卷四

痞

附

嘈雜

噯氣

呃逆

鼓脹

附

水腫

痢疾

泄瀉

卷五

諸氣

附鬱

秘結

諸痛

頭痛

附

眩暈

心痛

附

怔忡驚悸健忘

癲狂

邪祟

脇痛

腹痛

卷六

腰痛

股痛

附

脊痛

齒

口

脣

舌

淋閉

附轉胞

不禁

便濁遺精

疝氣

蟲症

醫學津梁卷一（原名醫鏡刪補）

明金壇王肯堂原著

清歸安岳昌源刪補 江浦後學陳洙重訂

中風

中風之故其受病久矣。經曰：邪之所湊，其氣必虛。使內氣充足，精神完固，則榮衛和腠理密。雖有風將安入乎？唯不戒暴怒，不節淫慾，饑不暇食，寒不暇衣，嗜酒好色，勤勞忘身，當風沐浴，大汗行房，畏熱露卧，冒雨奔馳，致真元耗亡，氣血消盡。一旦為賊風所中，不移時而昏瞶。雖因外風所中，實由內氣之虛也。然人表裏上下，未必皆虛。惟積虛之處，氣多不貫，而勢有偏重，為風所入，而肢體廢矣。若以臟腑言之，各有形症。中臟多滯九竅，故有唇緩失音，鼻塞耳聾，目瞤便秘之症。中腑多着四肢，故有半身不遂，手脚不馴，左癱右瘓之形。又有中血脈者，外無六經之形症，內無便溺之阻塞，唯口眼喎斜，或左或右而已。起居食息固無恙也。其或肢不能舉，口不能言，乃中經也。比之中臟腑為輕，中血脈為重。然中臟者宜下，中腑者宜汗，中經者宜補血以養筋。中血脈者宜養血而通。

氣中臟為難。中腑次之。中經又次之。中血脈又次之。其或初中血脈藥而愈。不守禁忌。必復中在經。或初中經藥而愈。不守禁忌。必復中在腑。或初中腑藥而愈。不守禁忌。必復中在臟。中一次則虛一次。虛一次則重一次。故中腑雖可治也。由先中血脈與經而後及於腑。則難治矣。中臟本難治也。由先中腑而後及於臟。則不治矣。若中腑兼中臟與傷寒兩感者。同何可生耶。凡中風口開為心絕。手撒為脾絕。眼合為肝絕。遺尿為腎絕。聲如鼾睡為肺絕。汗出如油為元氣內絕。筋痛為無血。髮直指頭上。竄面赤如粧。汗綴如珠。皆不治之症。五臟唯心最難死。故氣絕身冷。而心獨熱也。中臟不即死者。以四臟之氣雖絕。而心猶未病也。中其心則無所施藥矣。大法中風諸症。總屬風痰。初中之時。不論在表在裏。必先以祛風攻痰為主。待其甦醒。然後審其經絡。分其氣血而治之。不可因內氣虛而驟用補劑。若係大虛。口眼不喎斜。手脚不偏廢。便溺不阻塞。但汗出不休。眩暈不定。四肢軟弱。氣息短促。方可用獨參湯。而猶必佐去白陳皮。加以薑汁竹瀝。始可以服。若無監制。一時或可愈疾。而痰邪不泄。他日或發癰疽。慎之慎之。

脈以人迎為主。訣云。中風口噤遲浮。吉。實大急數。三魂飛。舉要云。中風浮滑。兼痰氣。沉滑莫與風並論。浮大者虛。浮緩者濕。浮緊者寒。有微而數者。虛熱極也。

### 入藥例

諸藥未服。先用麝香<sub>分三</sub>皂角末<sub>錢三</sub>麻油<sub>兩三</sub>菜油亦可。攪勻灌下。通其關竅。即甦。切勿慌張扶起。亂其氣血神思。以致不救。

初中風。不省人事。乃風痰壅塞。迷其胸膈。宜以花粉。荊芥。水煎。入薑汁。竹瀝。磨枳殼。沉香<sub>錢三</sub>。灌之。若牙關緊閉。以薑製南星。同麝香。少許擦之。灌此藥。待醒再進。然後以他藥治之。

中腑。為在表。法當汗之。宜麻黃。羌活。為君。防風。荊芥。甘草。為佐。以發表。南星。半夏。瓜蒌。以逐痰。陳皮。枳殼。蘇梗。以順氣。加薑汁。竹瀝服。

中臟。為在裏。法當下之。宜大黃為君。枳實。厚樸。甘草。為佐。以通秘。牙皂。山甲。木通。菖蒲。以開竅。瓜蒌。杏仁。蘇子。防風。荊芥。以逐風痰。加薑汁。竹瀝服。

中經者。以補血養筋為主。宜君以四物。佐木瓜。米仁。威靈仙。以補血養筋。羌活。

甘草以疎風。南星半夏以治痰。加薑汁竹瀝服。

中血脈者以養血通氣為主。宜君以四物佐紅花以養血。枳殼烏藥陳皮香附以通氣。加薑汁竹瀝服。

口眼喎斜用皂角末五兩陳醋和之。右喎搽左。左喎搽右。或用巴豆七粒去殼研爛。

左喎搽右手心。右喎搽左手心。以煖水一盞安向手心。須臾便正。即洗去。抽掣中指。

左半身不遂屬血虛與死血。宜四物湯加桃仁紅花秦艽澤蘭入薑汁竹瀝服。

右半身不遂屬氣虛與濕痰。宜四君子加半夏南星枳殼陳皮入薑汁竹瀝服。

左癱右瘓四肢不舉風痺等症。宜以麻黃一兩白芷桑皮蒼朮各二兩浮萍二兩川芎

苦參各三兩煎膏酒服三錢。服一日停一日。數日後手脚輕快。又治小兒驚風久瘖不語。稀痘丸。

中風痰壅昏不知人。口眼喎斜半身不遂。宜南星附子去皮各一兩木香勿見火五錢細剉。

每服四錢。生薑九片煎服。

類中風症。猝倒不語。但真中風有歪斜搐搦之異。

有因受氣而中者。脈沉身冷。無痰故也。用薑湯調蘇合丸。灌至醒。隨其寒熱虛實調之。輕者烏藥順氣散。烏藥橘紅麻黃川芎白芷桔梗枳殼殭蠶炮薑甘草加葱煎。然開口脈絕者亦不治。

有因傳食而厥者。必胸中滯悶。

有夏月卒倒。為暑風類中病。

有因火者。內

外之火。合而炎燄。水不勝火也。

有因痰者。氣激搏痰。塞礙心竅也。

以上四症皆用薑湯

吐之候醒  
隨症施治

統治一切風口眼喎斜。取青荊芥薄荷各一觔。煎膏。或丸服。一日三服。每服三十丸。

防風至寶湯。防風天麻當歸川芎白芍半夏甘草南星陳皮青皮烏藥羌活連翹黃連黃芩麻黃殭蠶白芷梔子。每服兩二錢。忌食蒜。

### 附癇症

癇症發即顛仆。眼直口吐痰沫。或作羊鳴。不省人事。因驚風痰食而得。脈浮為陽癇。沉為陰癇。浮弦為風癇。

宜青礞石硝煨蛇含石醋煨硃砂水飛天竺黃麝香南星半夏姜製各等分為末。以薑汁

竹瀝調蜜內煉熟為丸如龍眼大用童便磨下半丸立止服三五丸全愈若治癰症即於此方中加銀粉銀粉即黑鉛熔化投水銀和作一處傾冷地上取起研細

附癰風

癰風手脚皮膚迸裂麻木不仁甚至四肢蹉攣眉脫鼻倒乃惡風沿入臟腑血肉皆死內生細蟲食人脂膏取死人身蛆炒乾為末酒送下諸虫皆消肌膚自潤如不可得宜多取毒蛇晒乾切片磨作細粉糯米糊丸每日酒服一二錢能起死回生或用白花蛇全蝎大風子益母草胡麻牙皂防風荆芥羌活獨活白芷當歸川芎山甲殭蠶等分為末煉蜜丸如龍眼大每服一丸一日三服好酒送下以醉為度

大風子肉三十防風五白蒺藜荆芥草胡麻當歸洗酒蕪荑各五銀柴胡胡黃連

各十木鱉子去殼三薄荷去根以上各藥切要精細為末滴水為丸每日服三次

約有一合病輕者服五六升重者服一斗至重者服二斗全愈

若受病在脾經加白朮十肺經加黃芩十胃經加厚樸十肝經加連翹十心經

加黃連山梔各一腎經加威靈仙續斷各半何首烏一春則氣暖融和加連

翹二夏則火旺煩燥加黃連薄荷各一秋則乍寒乍暖多生霧露加蒼朮白

朮各一冬則嚴寒冰凍加烏梅二若面皮浮腫加白芷十續斷一遍身浮

腫加蒼朮一脚底腫加牛膝一手蹠攣加威靈仙一骨節疼痛加虎骨二若婦

人不拘老幼加當歸二切忌酒色勞碌生冷毒物

若面腫十日可瀉一次方列於後苦參三白蒺藜草胡麻連翹各一大黃芒硝各一

荊芥牛膝白芷蒼朮木瓜各二防風大風子肉菴活獨活各五水煎空心服

瀉三次溫粥補之平後再服丸藥

搽藥方若遍身發斑者川椒炒枯礬各一兩水銀各三防風錢松香硫黃大風肉

各一錢苦參蛇床子各一兩為細末菜油調搽若脚底心爛者辰砂一兩冰片熊

膽錢各二用鷄子白調搽一日洗三次搽三次即至爛者百日愈

洗藥用前丸藥頭並大風子殼防風荊芥麻黃各五煎濃湯每日洗三次其蟲

皆無矣洗浴却要發汗其湯不可冷周迴以被蓋之待汗出透為妙

麻木

麻木非一病也麻者非痒非痛肌肉內如小蟲亂行按捺愈甚者是也木者非

痒非痛。按搔不覺者是也。然有久暫之分。暫時麻者。或因坐卧失所。阻抑榮衛。血行既滯。氣亦未至。故也。暫時木者。亦因坐卧失所。又着寒氣。榮衛不相連。血亦不行。氣又不至。故也。麻之久者。必內氣虛甚。風痰湊之。肌肉中為風痰所據。陰陽二氣失其運行。安得不麻。木之久者。乃死血凝滯於內。外挾風寒。又因氣虛不能運動。所以為木也。然麻木處少。猶可治之。若半體一肢。決難治療。暫時麻木。而用重劑。則損真元。久麻木。而用輕劑。則不能取效。審而治之可也。脈浮而濡。屬氣血虛。浮而緩。屬濕。浮而緊。屬寒。澹而孔。屬死。緊而滑。屬濕痰。

### 入藥例

大法麻木之病。雖有風痰死血之分。然治療皆當以熱藥為向導。如生薑、附子、官桂、川烏之類。以引經藥引至各經。如手臂用桑條。股足用牛膝。威靈仙之類。以行氣藥通其氣。如烏藥、木香、枳殼、青皮之類。以通竅藥開其經絡。如木通、牙皂、川山甲之類。有痰則去痰。有風則去風。有血則去血。此總綱也。久麻者。皆氣血為風痰所轄也。宜生薑為向導。枳殼以開氣。半夏、南星以逐痰。羌防、荆芥以散風。木通、牙皂以通經絡。手臂用火桑條。脚用牛膝以引經。待其

病減。然後參、耆、苓、木、甘草之類。

久木者。皆陽氣不運。死血凝滯。外挾風寒所致也。宜薑、附之類。為向導。木香之類。以開氣。穿山甲、木通、牙皂之類。以通經絡。當歸、桃仁、紅花、蓬朮、阿魏之類。以消血。因其病之所在。以引經藥引之。如桑條、牛膝之類。病減。以八珍湯補血。可也。背上麻木。以羌活引經。胸前麻木。以桔梗引經。風用風藥。痰用痰藥。皆以開氣為主。生薑為使。附子之類。不必用也。

遍身肌膚大庥。淫淫然如蟲行者。風也。宜殭蠶為君。羌防為佐。烏藥以勻氣。木通以開經。生薑為向導。蓋木通能行十二經絡。烏藥能行一身之氣。生薑能開一身之腠理。羌防能去一身之風。而殭蠶一味。端治如蟲行者之聖藥也。

厥

厥者逆也。陰陽之氣不相接。則手足厥逆也。其症有陽厥。煩渴譫妄。身熱脈洪數也。有陰厥。身冷脈沉。足踈卧。唇口青。或自利不渴。小便白也。然陽厥伏熱深而振慄。反見身冷。脈微欲絕。此陽極似陰。服熱藥即死。陰厥虛寒甚而發躁。欲坐泥水中者。此陰極似陽。服寒藥即死。不可不辨。外此又有暑厥。中暑耗氣發

厥脈虛自汗。有氣厥。因暴怒而得。即氣中也。與中風相似。風中身熱。氣中身冷。有痰厥。其脈弦滑。或咽中如拽鋸聲。有虵厥。胃中冷。吐出長蟲者是。如有氣虛。厥脈細者。是有血虛。厥脈大如葱管者。是有驚厥。因勞役後。飲水被驚而發者。是有尸厥。凡吊死問疾。或入廟登塚。猝中外邪。與穢氣相忤。氣遏不行。忽手足冷。頭面青黑。牙關緊閉。昏暈猝倒。錯言妄語。決不可作風治。厥脈數喘。沉細為寒。沉伏而數為熱。所干脈喘為氣。浮實頑痰。氣弱微甚。大則血慳。寸大沉滑。身冷必難。

### 入藥例

陽厥。與陽極似陰。用大小承氣湯。隨其輕重下之。

陰厥。與陰極似陽。用理中湯。四逆湯。

暑厥。用白虎湯。或香薷飲。加菴活。

氣厥。用蘇合香丸。八味順氣散。有痰加痰藥。怒氣甚至嘔血鼻衄者。四物湯。去

生地。加赤茯苓。香附。陳皮。麥冬。或當歸龍薈丸。

痰厥。二陳湯。加薑汁竹瀝服。挾寒加附子。挾熱加苓。蓮。山。梔。